

Takornarissat 2009-mi ikileriartut

Kisitsisit nutaat

Matumani saqqummersinneqarput timmisartukkut umiarsuakkullu takornariartaatini tikittartunut kisitsit nutaat. Saqqummersitami ilaapput takornarissat timmisartukkut nunatsinnut tikittartut nunatsinniillu allartartut amerlassusaannut missingersuutit. Naatsorsueqqissaartarfiup takornarissat missingersornerat suliaraa Kastrupimi timmisartoqarfissuarmi misissuinerit tunuliaqutaralugit. Misissuineri taakkunani angalasut aperineqartarput suminngaaneernermik, qassiullutik angalanersut aammalu suna siunertaralu angalanersut. Agguataarnerit taakkua 2006-miit 2009-mut takornarissat amerlassusaannik missingersuusiornermi atorreqarput.


Takornarissat timmisartumik tikittartut 2009-mi ikileriartut

Missingersuutit takutippaat piffissami 2006-miit 2008-mut takornarissat amerlassusaat qaffakkiartorsimasut. Piffissami tassani qaffariaat 6,6 pct-iuvoq, kisitsisinngorlugit inunnik 2.324-inik amerleriarnulluni. 2009-mi missingersuusiami takornarissat amerlassusaat 36.700 missaannut appariarsimapput, 2008-mi 38.400 missaannik amerlassuseqarsimallutik. Tamanna takornarissanik 1.500-it missaanniittunik ikileriarnuvoq, procentinngorlugu 4 pct-inik ikileriarsimallutik.

Tamanna takuneqarsinnaavoq *"Turismen 2006-2009"*, Naatsorsueqqissaartarfiup nittartakkamigut www.stat.gl maannarpiaq tamanut saqqummersitaani. Saqqummersitami itisilerlugu atuarneqarsinnaapput takornariat Kalaallit Nunaannut tikeraartartut ineriartornerat. Saqqummersitami aammattaq atuarneqarsinnaapput missingersuineri periutsit atorreqartut.

Titartagaq 1.

Nunap avataaniit tikeraartut, takornarissanut atorfilinnullu agguataarlugit, 2006-2009



Ullormut aningaasanik atuinertit

Takornarissat agguaqatigiissillugu ullormut aningaasartuutaat 610 kr.-inut 2008-mi qaffariarput, qaffariaat inummut ataatsimut agguaqatigiissillugu 68 kr. imaluunniit 13 pct.-iulluni. 2009-mi ullormut aningaasartuutit agguaqatigiissillugu 574 kr.-inut appariarput. Appariaat 37 kr.-iuvoq, procentinngorlugu 6 pct.-iulluni.

Tabel 1. Takornarissat agguaqatigiissillugu ullormut aningaasanik atuisarnerat

	2006	2007	2008	2009
Ullormut aningaasanik atuineq	542	528	610	574

Umiarsuarnik takornariartaatinik takornariat

Umiarsuarnik takornariartaatinik takornariat 2004-miit 2008-mut amerliartorsimapput. 2009-mi umiarsuarnik takornariartaatinik takornariat 2008-mut sanilliullugit 1.915-inik ikileriarput, appariaat 6,6 pct-iulluni.

Tabel 2. Umiarsuarnik takornariartaatinik takornarissat amerlassusaat, 2004-2009

	2004	2005	2006	2007	2008	2009
llaasut	15.654	16.446	22.051	23.506	28.891	26.976

Pdf-filinngorlugu

Saqqummersitaq 'Turismen i tal 2006-2009' pdf-filinngorlugu Naatsorsueqqissaartarfiup nittartagaani www.stat.gl aaneqarsinnaavoq.

E-mail-ikkut pisartagaqalerit

Kisitsisinik nutaanik Naatsorsueqqissaartarfiup saqqummersittagaanik elektroniskenik tusartinneqartarusukkuit nutaarsiassanik pisartagaqalerit una iserfigalugu www.stat.gl qinigassani saamerlermi toqqarlugu 'Kiffartuussinerit' taavalu "Pisartakanut tunngasut" toqqarlugu. Kisitsisinik nutaanik saqqummertoqaraangallu e-mail-ikkut nalunaarfigineqartalerlutit.

Annertunerusumik paasisaqarusuttoqaruni ukununnga saaffiginnittoqarsinnaavoq:

- Naatsorsueqqissaarnermut siunnersorti Gitte Lynge Rosing tlf. 36 23 76 (toqqaannartoq) imaluunniit e-mail: gmi@stat.gl imaluunniit
- Naatsorsueqqissaarnermut siunnersortaaneq Josef Kajangmat tlf. 36 23 69 (toqqaannartoq) imaluunniit email: joka@stat.gl

Inussiarnersumik inuulluaqqusillunga

Gitte Lynge Rosing

Naatsorsueqqissaarnermut siunnersorti